

Civil Services (Main)
Examination, 2026

KVMS-C-BDO

बर' / BODO
(मावथारनो गोनां) / (Compulsory)

सम थिखानाय : थाम घन्टा

Time Allowed : **Three Hours**

गासै नाम्बार : **300**

Maximum Marks : **300**

सोंथि बिलाइनि थिखानाय बिथोन

सोंथि बिलाइखौ फिननायनि सिगां गाहायाव होनाय बिथोनखौ मोजाडै फराय :

गासैबो सोंथिनि फिननाय हो ।

फिननायनि नाम्बारा सोंथिनि उनाव होखानाय दं ।

फिननायखौ बर' (देवनागरि हांखो) रावजों आरो सोंथि बादियै हो ।

सोदोबनि थिखानाय बायदियै फिन आरो जुदि सोंथि बायदियै फिननाया गुसुं एबा गोलाव जायो अब्ला नाम्बारखौ दाननाय जागोन ।

फिन बिलाइनि आगसिथिं बिलाइयाव थानाय लांदां बिलाइखौ मोजाडै दाननानै होनांगोन ।

Question Paper Specific Instructions

Please read each of the following instructions carefully before attempting questions :

All questions are to be attempted.

The number of marks carried by a question / part is indicated against it.

*Answers must be written in **BODO (Devanagari script)** unless otherwise directed in the question.*

Word limit in questions, wherever specified, should be adhered to and if answered in much longer or shorter than the prescribed length, marks may be deducted.

Any page or portion of the page left blank in the Question-cum-Answer Booklet must be clearly struck off.

Q1. गाहायाव होनाय आयदानि सायाव जायखिजाया मोनसेनि रनसाय 600 सोदोबजों लिः

100

- (a) भारतनि सानसि आरो जोंनि इयुन
- (b) डिजिटेल मुगायाव नोगोरारिफोरनि मावनो गोनां बिबान
- (c) भारतनि अखांमा बिजिरसंनाय आरो मार्स अरबिटर मिसन
- (d) सावसि सिबिथाइयाव मोननो हानाय मुलाम्फा आरो गुन

Q2. गाहायाव होनाय फराखोन्दोखौ मोजाडै फरायनानै सिडाव होनाय सोलुफोरखौ रोखायै, गेबेडैः
आरो सुंदवै फिन हो :

12×5=60

दुखुनि समाव गिखांनायनि जायगाया जेराव थामो बेनो रंजानायनिबो जायगा । जाय खामानियाव माखासे दोखोमनि दुखु एबा खहा मोनंनायखौ सैनांनायनि गोहो थायो बे गासैखौबो गोजोननाय आरो थुलुंगा गोनां हिसाबै सरजाबनानै लानाय जायो । दुखु दाहा एबा खहानि रोखोम बायदियै थुलुंगाखांनायनिबो बाहागोफोर भायी । थुनलाइ बिजिरगिरिफोरा बेफोरखौ दाउहानि जोहोलाव गोहो, दानहोग्रा जोहोलाव आरो अननाय बायदि बायदि बाहागोआव रान्दों । बेफोरनि गेजेराव गोजामसिना आरो गाहायसिना-जादों जोहोलाव गोहो, जेराव दुखु मोननाय, सैनांनाय आरो थैनायखौबो जेबो साननानै लाया । बे रोखोमनि जोहोलाव गोहोनि गोनांथिया गोदो गोदायनिफ्रायनो सोलि बोगासिनो दड । जेराव गोहो बोलो आरो नाजानाया जौसिन जायगायाव सौहैयो । नाथाय खालि दुखु दाहाखौ सैनांनायावलनो बिनि गोहो बोलोआ नुजा जोबा । बेजों लोगोसेनो रंजानाय आरो मिथिनो लुबैनायाबो सरजाब जाफायो । औरैहाय बेरामिखौ बेहुस खालामा लासिनो अपारेसन खालामनाया गोहो बोलो गोरानि सिनायथि होनब्लाबो बेथो मावथावना नडा । बेबायदिनो सिरियै थानाय, आथिं आखाइ सोमावा लासे गोबारै बुनायखौ सहायनो थाखाय साखा फारा जानायखौ गोहो बोलो गोरा आरो गोब्राबनिफ्राय गोब्राब बुनायखौबो सहायनानै जायगाखौ दोरोदा लासिनो थानायखौ गोगोम गोमजोर बुंनो हायो । गोगोम गोमजोरखौ-थुलुंगानायनि सिडात अब्लासो लांनो हागोन जेब्ला गोहो बोलो गोरा एबा गोगोम गोमजोरै बे खामानिखौ मिनि खुसियै मावलांबाय थागोन जायनि थाखाय बिखौ एसेबां बुनायखौबो सैनानै थानो गोनां जादों । जोबनायाव बेखौनो बुंनो हायोदि मिनि खुसियै मावनो नाजानाय एबा गोसो दुंखानायावनो थुलुंगाखांनायखौ नुनो मोनो । खालि दुखु दाहाखौ सहायनायावनो सासे मानसिनि गोहो बोलोखौ नुनो मोनजोबा । नांथाबनाय आरो गोहो बोलो मोननैबो थुलुंगा खांनायनिफ्राय फैनाय ।

सासे दान होग्राया धोनखौ दान होनो थाखाय गोहो थायो आरो बिनिफ्राय फैनाय दुखु दाहाखौ सैनो हायो । सासे दान होगिरिखौ उदां गोसोनि होननानै सिनायनो हायो जेब्ला बिनि थानानै थानायाव खायसे गोब्राब आरो दुखुनांथाव थासारिया बिनि दान होनायनि थाखाय जायो । बे गोब्राब आरो दुखुनांथाव थासारियाव थानानै थानायाव जेसेबानो बिनि दान होनाया बांगोन एसेबानो उदां गोसोनि होननानै मिथिजागोन । बेवहाय उदां गोसोनि थियारि आरो सुखुखौ गोसो दुंखानायजों हमफानाय नडा ।

बुहुमाव दाउहार्जों लोगोसे माखासे गोब्राब खामानिफोर दड जेराव बांद्राय देहा-यारि सैनानाय आरो थैनो गोनांबो जानो हागौ । बरबजों खोबजानाय हाजो, जोमैजों खोबफबजानाय समान नडै हाजोखौ बिजिरसंनो गाखोनाय, सुमेरू आरो साहारा बालाहामा, गुदु हाग्रामायाव, मिथिमोनफेरै जायगायाव थानायफोरा गोहो गोरा आरो जोहोलावनि खामानि । बेबायदि रंजा खुसियै गोसो जानानै बेफोर खामानिफोराव नांथाबनानै थानाया थाखोमानानै थानाय गोसो दुंखानाय ।

- | | | |
|-----|--|----|
| (a) | गोसो दुंखानायाव गोहो गोरानि बिफावखौ बेखेव । | 12 |
| (b) | नांथाबनाय होनोब्ला मा मिथियो ? | 12 |
| (c) | गोसो दुंखानायखौ मा बायदियै मोनो ? | 12 |
| (d) | मिनि-खुसि, गोसो जानाय आरो गोसो दुंखानायनि सोमोन्दोफोरखौ रोखा दिन्थिनानै हो । | 12 |
| (e) | दान होग्राया दान होनायनि थाखाय मा मा सैनानो गोनां जायो ? | 12 |

Q3. गाहायाव होनाय खोन्दोनिफ्राय थाम बाहागोनि से बाहागोजों मोनसे सुंदोब (Précis) लिं । सुंदोबखौ नोंनि रावजों लिं । बिमुं होनो नाडा । 60

सासे मोजां खोनासंगिरि जानो हानाया गोनांथार आरो मुहि होनो हानाय जिउ खानायनि मोनसे गियान । अब्लाबो जोंनि गेजेराव एसेल बिबानि सुबुंफोरासो खोनासंनो रोंगौ, बिनि जाहोना बे नडादि जों गाज्जि सुबुं, मानोना जोंखौ रावबो बेखौ फोरोडाखैनो । आरो बेजोंनो सोमोन्दो बुंथि – खायसेयाल’ मोजाडै गोसो होनानै खोनासडो । बिनिखायनो जों समाजारि जिउ खानायाव खोना संनायनि सोलाय बुंनोल’ गोसो जायो, गुबुनखौ लोगो हमनो लुबैया — नाथाय बिसोरनिखौ खोनां संनो गोसो जाया । लासै लासै लोगोआ समाज जिबियारियाव सोलाय लांहोयो । सासे मोजां खोनासंगिरिया बेबायदि खायसे मोजां खामानि मावो जायफोरा बिजों थाफायो बिसोरनो गोजोन थासारि होनो हायो । नडाब्ला जों खायसे बेबायदि बाथ्राखौ

सावरायनो जागायो जेराव गोनांथि मोनो नाथाय सा सा दिन्थिनानै होया । माब्लाबा जों गावनि खामानिखौ लानानै उसाव बादाव जायो, माब्लाबा गावनि थानानै थानायनि राहानि गोजौ सिमांखौ जाफुंहोनो सानबाय थायो, जों रोखा जानो हायादि जोंनि थाखाय बबेया थि; माब्लाबा जों गोनो गोथो जायोदि खायसे सोमोन्दोआ गोब्राब थासारिजों — सोलिनांदों, जों खायसे बाथ्राखौ लानानै जिंगा सियो एबा जिवाव जाफुडैनि मोनदांथि सानबाय थायो (जाउनाव जों थियै मिथियादि जाहोना मा) एबा जानोहागौ जों जोबोद थुलुंगा खाडो बबे गोरोनथि बेखौ आसि थुनो, नाथाय गावनो बे थुलुंगा खांनयनि जाहोनखौ थियै मिथिया ।

थारैनी, बेफोर गासैबो जाहोनफोरानो बिजिरनायखौ फोरमायनानै होयो । सासे मोजां खोनासंगिरिया मिथिगौदि जों सावरायलायनायनि गेजेरजों गुबुन सासे सुबुंनि गोनो गोथो साननायखौ सोलाय होनो हायो, गोसोनि बेले बेजे साननायखौ बांसिनै थि खालामनो हायो आरो (आसाखालामनो हायो) गोजोनसिनै । बेजों लोगोसेनो जों जयै मावनानै थार जाहोना मा बेखौ मिथिनो हायो । नाथाय थारैनो बेयो जाफुंनानै फैनो हाया, मानोना बेवहाय मिथिनो लुबैग्राफोरा थोजासे सांग्रां नडा आरो रायलायनायाव आबुडै खेंफोरथि होनांगौनि गोनांथि जायो । बेवहाय थोजासे जखानि मोजां खोनासंगिरिफोर गैया । बिनिखायनो सावरायलायनाया रोखाथि लुबैनाय आरो गोनांथिनि फारसे सांग्रांथि गैया जायो । मोजां खोनासंगिरिफोरनि बिबाडा एसेल जायो । जाहोनाव सुबुंफोरा बिजिरनायनि सोलायै गाव गावनि बाथ्रायावनो दोरोदलाया जासे थायो । बेयो गावनि साननाय, गोसो जानाय, — दुखु आरो मिजिंखौ गले-गले गुबुन गुबुन महराव फोरमायो । खाथिनिया खोनासडो नाथाय बियो गोथौवै बुजिनायाव हेफाजाब होया । मोजां खोनासंगिरिया रायज्जलायनायनि थि जुक्तिफोरनि हेफाजाब लानानै थासारिखौ सामलायो ।

जेब्ला गुबुना रायज्जलायबाय थायो अब्ला बियो बिजों लोगोसे जयै रायज्जलायफाबाय थायो । बियो फिसा फिसा थुलुंगा होयो जैरे बायदि थोजासे अनसायनाय, थुलुंगाखांनयनि इसारा एबा खाब जाथाव रोन्खाथि हासथायनाय, बेबायदिनो बियो खाथिनिखौ गावनि साननाय आरो मोनदांनयनि गोथौथियाव थांनो थाखाय थुसोम हरो । बियो बुंनो मोजां मोनो — “आंनोबिनि सोमोन्दै आरो बुंनावनो ...”, जेब्ला — “नों बेबायदि बुंदोमोन, अब्ला आं गोमोहाब-दोंमोन”, “नोंहा मा जादों, मानो बेबायदि जाखो ?”, एबा “नोंहा बे समाव माबायदि मोनखांदोंमोन ?” सासे मोजां खोनासंगिरिया बेखौ मानिनानै सोलिनांगौदि गुबुनजों सावरायलायनायाव गोनो गोथो जानाया सरासनसाखा । बियो ना रायज्जलायोनानी आरो ना उसु खुथु जाबाय थायो । बियो बुजियोदि रोखा नडैया मोनसे गनायथाव आरो मखजाथाव गोसोनि बेले बेजे मोनदांथि । बेखौ सुस्रानायाबो सासे थार लोगोनि खामानि । गोबां समावनो जों बेफोर बायदि मोनदांथिनि सेर सेरावनो थायो, नाथाय बिनि गुबै जाहोननि सेराव थांनो हाया । बेबायदियाव सासे मोजां खोनासंगिरिया जोंनो गुवारै बुंनाय आरो गोथौआव थांनोनायजों लोगोसे आगान — सुरलानो खाबु होयो । जोंहा बेबायदि सासे सुबुंनि गोनांथि जायो जाय बोसोन होनायनि सोलाइ खालि फनैसोल मुहिनाय राव बुडो — ‘आवगाय लां’ । जों बिदा

बिनानावनि खोथाखौ दिहुनो आरो बियो बांद्राय मिथिनो लुबैसिनो । उन्दै समाव बिनि सोमोन्दोआ मा बायदिमोन ? समजो लोगोसे बिनाव मा सोलायनाय फैखो ? बियो बेखौ मिथिनानै लानो नागिरोदि जौनि साननाय आरो थुलुंगाया बबाव ? बियो सोडो – “बे बाश्रायाव नोडो मानो एसेबां गोसो बायलिदोंमोन ?” एबा “बे बाश्राया नौनि थाखाय मानो एसेबां गोनांथारमोन ?” लोगोसेनो बियो जौनि थांखानाय – समनि खोथाफोरखौबो गोसोआव लाखिदोंमोन । माब्लाबा माब्लाबा बियो जौनि रायज्जायबोनाय गोदोनि खोथाफोरखौ दिहुननायमोन आरो जौ मोनदाडोमोनदि बियो मोगथाडाव जौजौ लोगोसे गोथौ सोमोन्दो लाखिनो नाजागासिनो दड । रोखा नंजोबै बाश्रा रायज्जायनाया औरिनो गोरलै । जौ गोबां समावनो सावरायोदि माखासे मुवाफोरा समायना आरो माखासेफ्रा गिलु बालु, गोजोन्नाय एबा गोसो बायनाय खालामो, नाथाय जौ बेखौ बुजिहरनो लुबैयादि जौ मानो बेबायदि मोनदां हरो । सासे मोजां खोनासंगिरिया जौनि बे सोलोगोनां बाश्रा सावरायनायाव सोरजिलुवारि आरो लोगोआरि बिथिडै मदद होफायो आरो बे गोथौ साननायखौ हमदां – हरनो नाजायो, जाय गोहोआ जौनि गोसो सिडाव थाखोमाना थायो ।

(600 सोदोब)

Q4. गाहायाव होनाय बाश्रा खोन्दोखौ इराजियाव राव सोलाय :

20

भारतआरि नाव जावरियाफोरा गोदो गोदायनिफ्रायनो नाव जावनायनि रौंगौथिजौ मुंदांखा । 5000 बोसोर सिगांनिफ्रायनो बिसोरो नाव जावनाय हुदाखौ जागायदोंमोन । बै समाव लैथोआव दावबायनो थाखाय एसेल' बिसाननि आगजुफोर दंमोन । आथिखालनि बायदि गिखंथाव हाथियारफोर गैयामोन । नाथाय गोजाम मुगानि नाव जावरियाफोरनियाव थानाय मोनदांथिया गोख्रोंसिनमोन । बिसोरहा बोथोरनि मोनदांथि गियाना मोजांमोन । बिसोरो ग्रह नक्षत्रखौ नायबिजिरनो हायोमोन, बार बारनायनि गियान दंमोन आरो लैथोनि गाबखौ नायनानै बिनि गोथौथिखौ बुंनो – हायोमोन । लैथोनि जिब-जिबिखौ नायनानै बिसोरो हानि जानथाय आरो माब्लाबा हादोरनि याथाय गुमुखौबो नागिरना लायोमोन । बै समाव लैथोनि सोमोन्दै जेबो फसंथानफोर गैयामोन । बिनिखायनो बिसोरो गावसोरनि नाजानाय आरो गोरोनथिनि गेजेरजौ सोलोल्लाडोमोन । बेबायदियावनो माब्लाबा जाब्रब थायबो जायोमोन, बिसोरनि गोहो बोलो गोरा आरो गावनि सायाव फोथायनाया बिसोरखौ थुलुंगा होयोमोन । बेफोर गोहोखौ लानानैनो बिसोरो सोनाबहा पारसिनि लैथोसा, आफ्रिकानि सानजा फासै लैथो जिं आरो सानजा फासै इण्डनेसियानि सानजा फारसेनि दीप, कम्बदिया, अन्नाम, बोर्नियो आरो सेलीबीज बायदि गोजान गोजान दीपफोराव सौहैनायाव – जाफुंसार जादोंमोन । लैथोनि सोल्लोथाइ लानाया गोदान मुगायाव 1920 माइथायनिफ्राय जागाय जेनबोदों ।

उदांसिनि उनाव भारतआव सोलायनायनि गोजोन थासारि सौफैदों । भारतनि गोग्गाथाव जाहाज लामानि दोरोडारि गियाना माखासे जौथायनि सिगांबोल गोमोर लांदोंमोन । बेयो फिन खेबसे जौसारखानानै नुजाफिनो । भारतआरि जाहाज लामाया आभिखालाव थार लामाजौ हान्थिगासिनो दड ।

Q5. गाहायाव होनाय बाथ्रा खोन्दोखौ बर'आव राव सोलाय :

20

Orientation for entrepreneurship has to start right from the schools. In schools, teachers need to highlight the role of entrepreneurship in national development. During college, students must be exposed to business development opportunities and must be trained towards the creation of new enterprises. Parents should encourage their children to take up new ventures after their education. We should cultivate a mindset that 'Idea is wealth'.

The government must create a facilitating environment for the provision of venture capital for innovative ideas without collateral security. Universities and engineering and management institutions should work with banks and other funding agencies towards simplifying procedures for setting up businesses and working with entrepreneurs till the project becomes self-sustaining and viable. Procedures in government should facilitate the spotting and recognition of new Indian talent in entrepreneurship by creating a level playing field for healthy competition. Citizens who can afford it should turn themselves into angel investors or start venture capital organizations to fund such new ventures. Big and small industries need to have an open mind in order to encourage and partner with young entrepreneurs.

Q6. गाहायाव होनाय सोंलुफोरनि फिन हो :

10×4=40

(a) गाहायाव होनाय बाथ्राफोरखौ मोनसे सोदोबजों फिन :

2×5=10

- | | |
|--|---|
| (i) सं दानै दानै सुलु लाग्रा _____ | 2 |
| (ii) बार, अखा आरो अनथाइजों सोगोमसारनाय _____ | 2 |
| (iii) मोसौ गुमनो लाखिनाय हौवासा _____ | 2 |
| (iv) ओखि जानो दोननाय फाथो बिलाइ गोरान _____ | 2 |
| (v) दंफानि फालांगि खालामग्रा _____ | 2 |

(b) गाहायाव होनाय बाश्राफानदायखौ ओथि होनानै बाश्रा दा :

2×5=10

- | | | |
|-------|----------------|---|
| (i) | उदै बुगार | 2 |
| (ii) | हाथरखि थुख्लाय | 2 |
| (iii) | फैसालि होसो | 2 |
| (iv) | बिखा खालौ मोन | 2 |
| (v) | आखाइ मिजि | 2 |

(c) गाहायनि गोरलै थाइजाफोरजों गोरलै थाइजा दाजाबदेरनानै मोननै मोननै सोदोब दा : 2×5=10

- | | | |
|-------|-----------|---|
| (i) | _____ खार | 2 |
| (ii) | _____ फै | 2 |
| (iii) | _____ थार | 2 |
| (iv) | _____ फाय | 2 |
| (v) | _____ जोब | 2 |

(d) गाहायाव होनाय बाश्राफावखौ बेखेव :

5×2=10

- | | | |
|------|---------------------------|---|
| (i) | आंगा सांगा खल बुदानि फागा | 5 |
| (ii) | हास्राव हाया हाब्रु जाया | 5 |